

Analisis K.v.K.

Nos ta prepara pa introduci Sales-tax entrante 1 Januari 2007?

ORANJESTAD (AAN): Nos por constata cu nos gobernacion, sin distincion partidario, no sa luci pa bon implementacion di nos leynan. Nos por djis tira un vista riba maneho di nos ley di Admision y Expulsion (LTU), o varios ley laboral cu a bira "dode letter", e famoso ley di glas di auto scur cu nunca a yega na funciona, leynan riba control di negoshi, ley cu ta regula salario di ambtenaar (Bezoldigingsregeling) cu a bira un caricatura, pa nos por yega na e conclusion cu riba e tereno aki tin hopi pa mehora ainda.


Capacidad di Servicio di Impuesto: Den e caso di impuesto, por bisa cu SIAD tin un reputacion bastante bon entre departamentonan di gobierno. Sinembargo mester analisa si e servicio ta equipa pa asumi e tarea di control di e impuesto nobo. Facilidad di ehecucion ta depende di e carga administrativo (den control di buki) cu e ley ta trece cune. Esaki no mester ta demasiado complica, ni pa SIAD ni pa e empresa individual.

Gobierno a opta pa un "omzetbelasting" cu ta basa riba e valor total di benta o servicio di un empresa. E sistema ta relativamente simpel pasobra e empresario mester duna cuenta di e total di su benta (omzet, turnover) y paga e porcentahe cu e debe caha di gobierno riba e suma aki. Esaki ta mas simpel cu e

modelo tipo BTW o IVA, cu ta basa riba e combinacion di cobranza y restitution di impuesto cu un empresa a paga na su supliernan y di otro banda a cobra su cumpradornan. Pero e ultimo aki (BTW o IVA) tin como ventaha grandi cu e sistema aki no ta acumulativo y ta duna e oportunidad pa yega na conoce esnan cu no ta contribui ainda: bo no por haya restitution di loque bo a paga si bo kier keda anonimo pa servicio di impuesto!

E sistema proponi pa gobierno awor tin como desventaha grandi cu e ta acumulativo (no tin restitution) y no ta brinda e posibilidad di detecta esnan cu ta core pa impuesto. No ta existi un claridad ainda tocante e cantidad di personal cu SIAD lo mester pa ehecuta e tareanan nobo eficazmente, y cuanto lo por bin di otro departamento interno.

Capacidad di maneho di



sales tax pa e empresanan: Pa loque ta e cambianan administrativo cu e empresario mester implementa tin conocedor di e materia ta señala cu esaki no mester ta asina problematico. Introduccion di e "Algemene Landsverordening Belastingen (ALB) na 2004 a haci cu bastante exigencia di informacion al caso ta ser poni caba riba administracion di cualquier empresa na Aruba.

E argumento ta cu introduccion di un sistema tipo BTW no lo trece mucho

mas trabao pa administracion di un empresa. Pa SIAD e trabao den caso di un BTW lo ta sustancialmente mas cu den caso di un sales tax tipo "St. Maarten". No ta conoci ainda ki cambio lo mester haci pa loque ta por ehemplo software administrativo y na ki momento esaki lo por ta disponible.

Tampoco ta conoci cual ta e gastonan involvi cu adaptacion na e impuesto nobo aki pa un empresa. Un problema conoci di e sistema di impuesto na St. Maarten ta e exigencia cu e cobranza di e tax no mester aparece riba e factura cu e empresario ta presenta na su cliente. E mester bay inclui caba den e preis cu e cliente ta paga. Den hopi caso esey ta socede

toch, loque ta dificil pa evita. E efecto final ta mescos, e cliente ta paga un preis mas halto pa motibo di e impuesto nobo.

KvK no ta na fabor di cambio den nos sistema di impuesto, cu no ta amplia e base di cobranza, cu ta acumulativo y cu no ta administrativamente bon manehable, tanto pa SIAD como pa e empresario. Pa por garantiza un bon ehecucion ta importante planifica y implementa e cambianan administrativo interno cu suficiente anticipacion. Menos cu cinco luna pa pasa e ley y introduci e cambianan na januari 2007, cu tur e preguntanan cu tin ainda, no ta suficiente!


➔ Bo ta mira algo pasando?

Yama Tipline di

DIARIO

582-2239

AMOR ES.....!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Set di Potlood
y Gum

Afl. 5,95